

NAMIBIA SENIOR SECONDARY CERTIFICATE

FIRST LANGUAGE THIMBUKUSHU ORDINARY LEVEL 4112/3

PAPER 3 Literature

2 hours

Marks 60

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARAWERO NOMAPATHWERERO KWAMUHATI KUMAKONAKONO

- Tjange mahuthero ghoye muMbapira dho Kuhuthera edhi hana tapa.
- Tjange Nomora dhoDyango, Nomora dhaMuhati Kumakonakono noDina paMbapira dho Kuhuthera.
- Tjange nokatjangitho kothinadiwuru ngambi kokeru.
- Wa rughanitha thidhingununitho thomeyu-meyu.
- Huthe mepwero **mahatu**, **dyofotji** mumutara A-**Mitanuro**, **dyofotji** mumutara B-**Yithimwetwedhatjanga** no **dyofotji** mumutara C-**Yipepa**. Mogho mahuthero mahatu, **dyofotji** po di kare dyopamuhingo gho kuthimwetwedha (dyodire).
- Kuthotera thikuma kumashashero, yitoyadimukitho nomarongathaneno ghoyighamba.
- Mapenda gha pwa kutura mutuhaki [] kughuhura gho kehe dipwero ngambi mutara ghodipwero.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

MUTARA A: MITANURO

Torore po dipwero **dyofotji** mumutara ghu.

1 Toye mutanuro **Makuwerero** munyima po hutha mepwero agha hana ka kwipura ko.

Makuwerero

Meho ghangе gha kovaghukera
Mbadi shi ghukurupe
mbadi shi ndhara endi dinota
ene yighayara yishipu
yiperemeka yishiwana ñeke

Tu ninge shi yoyi na kura shiwana ruhakitho
ngwa pamurandu ghoyifa yatate nanawe
myaka dhange paya me shime dhikwoko
mbadiko oku ha ni thighire
dihudhi dyothihaghuto yinyanda dina reta

Makuhongo nomi mwene
mbadi nayiwanine
hashere mo na wa wana momu
ghumango wange ho ha ghuwedhera
yikuhonga yapo ya ni retera thidiro

Thishongero ne ghupaghi keho
yighayara ne yo kudhimitha moyo
Ghundatu yo yidimuka
yidya mbadi ya kunyanda
ghukukutu wapo ne pakuyindjondja

Na wa kwatitha ko rukwoko
rokuranda ko po hana na ni ngumata
nodyarero ne mudikuma ni di
hashere wange mbadi kwa tapa dighano
yinyanda yopithange keho sha yi

Mena ghawo mbadi gha kutoya
na kona kufa Thivambo
name ngwa shi ghunyanyami
Pithange keho na kuyifa
Kupi ya ni twara yinu yi?

Dikuma dina komena keho
Ene muno muNamibia ne mo ghu di muragho
Mbadi wa kupagha mukadorongo
Kate na kufere mo nothinda
Ene mwaka munye keho.

Ngeshi na kufe ne kupi na kuyenda?
 Ngeshi kushwagha ne yidye gha kunikenga diho?
 Ngepi di na kukatanga noyipara?
 Mbadi na kukakutha karo?
 Mbadi na kukakutha ndhira mwene ndi?

Ngambi ngo ni raperere
 Nyambi mbadi na mu dimuka
 Mbadi na hurerera ndi?
 Mukakuhurerera naye kwingena mudiwiru ndi?
 Ndhira munye na kuyenda?

Nyambi na kukanderera eshi ghu ni fere ñeke
 Midhimu dhingi na yongaritha
 Hanyina ngandji, matjaha nodishengeteya
 Yoghe manyinga ghawo gha ni tunde
 Amen endi na huru keho.

(A. D. Kashako)

- (a) Yidye ghana kughamba mumutanuro ghu? Tanarithhe dihuthero dyoye. [2]
- (b) Kwadye ghuna kughayara ha ghu tambithera mutanuro ghu no pashanye? [2]
- (c) Mumuhingo munye ghana kushwaghitha mutanuri yikuyuva yendi yomakwerero mumutanuro ghu? Tape ko yitamenedhi yiwadi yoyighamba mumutanuro mukukwatitha ko dighano dyoye. [4]
- (d) Yikuyuva munye thina kukuretera thimingwa thokuhurerera kukoye we mutoyi? Tape ghushupi ghomumutanuro kudihuthero dyoye. [4]
- (e) Ngepi ghana rughanitha mutanuri mañando mukushwaghitha mbudhi dhomakwerero kwawatoyi? Tape ko yitamenedhi yiwadi mumutanuro mukukwatitha ko dighano dyoye. [4]
- (f) Yighamba munye yiwadi yongcamu mumutanuro eyi yina kuneghedha eshi oyu mungaghu kwa kurera muthitavura (thirenda-rendi)? Pashanye ghuna torwera yighamba yokemo? [4]

[20]

NGAMBI

2 Toye mutanuro **Karugoma**, munyima po hutha mepwero agha hana ka kwipura ko.

Karugoma

Mwana mukadhi edi,
Ghana kunenga nako
Yira kambu parware twi!
Kathingo kendi kana roghera po.

Owe munu eshi yakenge,
Napo ne dirura!
Ghuthiku ghoghuheya dyakwimba.
Thinda mbadi kwakina vene...

Ka yuve keho oku kana kughamba,
Dighendhe dyodighendhe,
Ngo yowe ghu ninga eshi mama!
Muditengwe nodiñudi dyendi pakwindha.

mbuyama yu kuvuruka ghana kuvuruka,
Munu kughayara nowe yoyihe,
Ngeshi ha ghu tegherera thiwana
Thinu thino thawambuyama vene...

Madjaho naye ngeshi ha tegherera,
Kuvuruka yoyihe yoyiwa kwendi,
Ngeshi ha ka kundama...
Kutanga kuvurama ghukaro wendi.

Thinu thi tha tunda kutukuru,
Tha kara nomatawero ghoshemwa,
Ghokurakitha mutjima kudirura...
Oghu ne ghomuhingo wetu

(A. D. Kashako)

- (a) Thimwetwedhe eshi ngepi ghana kububura mutanuri mudyo ghokarugoma kwamadjaho? Rughanithe dighano dyomumutanuro mukuhutha dipwero dyoye.

Ghure ghomañando gha kume ku **125 – 150**. [10]

- (b) Pathurure memaneno ghamutanuri ghoyishikitha yothitjo kwambuyama ghomuAfrika. Rughanithe dighano dyomumutanuro mu kuthutha dipwero dyoye.

Ghure ghomañando gha kume ku **125 – 150**. [10]

[20]

MUTARA B: YITHIMWETWEDHATJANGA

Torore po dipwero **dyofotji** mumutara ghu.

3 Mushere: R. M. Kandjungu

Eyi hana kukunyandeka kenge yo mumbara, hakadiko dyaMuyota ne pakatji komayugho hana kumuterekera mvu.

Harume hamweya hashañore dhonya hana yi shupu eshi yoyu thimbi yo ghana tutu ghuthiku nyama gha tware kudighumbo dyendi, mbadiko mukadorongo gho kuvurumukera eshi aye ne mukashitiko gha di gho gha vurumukere karo kwidha thinu thafumu.

- (a) Shingonone ghushere waMuyota naBoro kughutho nomunyima dho kwidha ndembe dhaNaghandonga? [6]
- (b) Mayenga gha kethire ngumwenyendi namwedya didhiko dyendi pakumona eshi kuna kupwedhangana Shakashivi. Pashanye gha yi tenderire edi ghuna kughayara? [2]
- (c) Tjwathanithe eshi munu munye gha di Mututomukuru muyipara yaMuyota? [4]
- (d) Mumuhingo munye ghana kukuneghedha mutjangi eshi widhi ne ghuyi? Tape yitamenedhi yiwadi muthithimwa mu kutanaritha dihuthero dyoye. [4]
- (e) Ngepi ghana kushwaghitha mutjangi ghukaro wamupepi Karwero? Tanarithhe yihutha yoye nodighano dyomuthithimwa. [4]

[20]**NGAMBI****4 Muyota Panaghenyi: Thimbukushu Curriculum committee**

Thimwetwedhe eshi ngepi ghana kushwaghitha mutjangi mbudhi dhendi dhoyiredhera po yothinyenganyi mughushere muthitoya thi.

Ghure ghomañando gha kume ku **250 – 300**.

[20]

MUTARA C: YIPEPA

Torero po dipwero **dyofotji** mumutara ghu.

5 Fumu Diyeve: A. M. Dikuwa na E. T. Munika

Fumu: Mwarume wange, mbadiko eyi sho tu rwere, mone eshi ngepi di nana yendi me fumu naShakashi. Ngo popaguhura ghoyinyanda yetu mwafumu wange. Ene mbadi tuna dimuka eshi haKura naTwayimango ne hana ka wa kumitha kughuRwa ndi, endi pakatji sha wa paghere, marware. Nawo temba mbadi ha nepura yoyimango. Ya shutukera kehe Mumbukushu mu kwipura gha wane ghukenu. Eyi na shwena ko ne kwipura yinu eyi ghuna dimuka eshi mbadiko yu gha di noghushemwa wayo.

- (a) Yidye oyu gha shwedhire Fumu Diyeve kate ha ka mu kwate? Tanarithe yihutha yoye. [2]
 - (b) Yighayara munye gha karire nayo fumughana Mbamba pakuyuva eshi Fumu Diyeve ne hana mu kwata haRwa? [2]
 - (c) Mumuhingo munye ghana kutuningitha mutjangi tu nyenge Fumu Thikuma? Tanarithe yihutha yoye nodighano dyomumbapira. [3]
 - (d) Yihokoka munye yomudyo yi di muthipepa eyi yina kushwaghitha mbudhi dhamutjangi mumbapira dhino Fume Diyeve? Tanarithe dihuthero dyoye nodighano dyomuthipepa. [4]
 - (e) Ngepi ghuna kuthinganyekera yikuyuva yoye ngeshi ho kara fumu mughuye ghokare? Rughanithe dighano dyomumutanuro mukuhutha dipwero. [4]
 - (f) Ngepi yina kukuyenda yihokoka yoyifa yaShathighambero noGhunu waMunu muditunga dyaNamibia mudyarero? Kwatithe yihutha yoye nodighano dyomuthipepa. [5]
- [20]**

NGAMBI**6 Wange ne Wange: N. Thiremo**

Thimwetwedhe eshi ngepi edi ghana kutjindja mutjangi yikuyuva yoye go kuhatera matheko ghopathitjo noyiyeka mumbapira dhino.

Ghure ghomañando gha kume ku **250 – 300**. [20]

BLANK PAGE

BLANK PAGE